

**МОНГОЛ УЛСЫН ХӨГЖЛИЙН БАНКНЫ ҮЙЛ АЖИЛЛАГААНЫ
ЗОХИСТОЙ ХАРЬЦААНЫ ШАЛГУУР ҮЗҮҮЛЭЛТ
ТОГТООХ, ТҮҮНД ХЯНАЛТ ТАВИХ ЖУРАМ**

НЭГ. НИЙТЛЭГ ҮНДЭСЛЭЛ

- 1.1 Монгол Улсын Хөгжлийн Банкны тухай хуулийн 25 дугаар зүйлийн 25.1, 25.2 болон 28 дугаар зүйлийн 28.1 дэх заалтын хүрээнд Монгол Улсын Хөгжлийн банк (цаашид “Банк” гэх)-ны эрсдэл даах чадварт зохистой харьцаа тогтоох, хяналт тавихтай холбоотой харилцааг зохицуулахад энэ журмын зорилго оршино.
- 1.2 Банк нь өөрийн үйл ажиллагаанд дараах зохистой харьцааг хангаж ажиллана . Үүнд:
 - 1.2.1.Өөрийн хөрөнгийн хүрэлцээний зохистой харьцаа;
 - 1.2.2.Төлбөр түргэн гүйцэтгэх чадварын зохистой харьцаа;
 - 1.2.3.Гадаад валютын ханшийн эрсдэлийн зохистой харьцаа.
- 1.3 Банк энэхүү журмын 1.2-т заасан зохистой харьцааны үзүүлэлтийг үнэн зөв тооцож, түүнд үнэлгээ, дүгнэлт хийх замаар үйл ажиллагаандаа учирч болзошгүй эрсдэлээс урьдчилан сэргийлэх арга хэмжээг тухай бүр авна.
- 1.4 Санхүү, төсвийн асуудал эрхэлсэн төрийн захиргааны төв байгууллагатай зөвшилцсөний үндсэн дээр Монголбанк банкны үйл ажиллагааны эрсдэлийг харгалзан энэхүү журмын 1.2-т зааснаас бусад нэмэлт зохистой харьцааг тогтоон, мөрдүүлж болно.

ХОЁР. ӨӨРИЙН ХӨРӨНГИЙН ХҮРЭЛЦЭЭНИЙ ЗОХИСТОЙ ХАРЬЦАА

- 2.1. Банкны өөрийн хөрөнгийн хүрэлцээг тус банкны эрсдэл даах чадвартай өөрийн хөрөнгийг (цаашид “Өөрийн хөрөнгө” гэх) эрсдэлийн нэгдсэн үнэлгээтэй (цаашид “Эрсдэлээр жигнэсэн актив” гэх) харьцуулан тооцооно.
- 2.2. Банкны өөрийн хөрөнгийн хүрэлцээ 9 хувиас багагүй байна..
- 2.3. Банкны өөрийн хөрөнгө дараах бүрэлдэхүүнтэй байна:
 - 2.3.1. Хувьцаа (энгийн болон давуу эрхийн);
 - 2.3.2. Нэмж төлөгдсөн капитал (энгийн болон давуу эрхийн);
 - 2.3.3. Хуримтлагдсан ашиг, алдагдал;
 - 2.3.4. Нөөцийн сан;
 - 2.3.5. Хувьцаанд хөрвөх эх үүсвэр.
- 2.4. Дараах нөхцөлтэй давуу эрхийн хувьцааг өөрийн хөрөнгөд оруулан тооцно:
 - 2.4.1. Хугацаагүй;

- 2.4.2. Банк ногдол ашиг тогтмол төлөх үүрэггүй;
 - 2.4.3. Ногдол ашгаас өөр хэлбэрээр өгөөж төлөхгүй;
 - 2.4.4. Энэ журмын 2.4.1-2.4.3-д заасан нөхцлийг давуу эрхийн хувьцаа гаргах шийдвэр, холбогдох гэрээ, хэлцэлд тусгасан байна.
- 2.5. Дараах нөхцөлийг хангасан эх үүсвэрийг хувьцаанд хөрвөх эх үүсвэрт тооцно:
- 2.5.1. 5 ба түүний дээш жилийн хугацаатай, нийт хугацаанд үндсэн төлбөрийн эргэн төлөлт хийхгүй;
 - 2.5.2. Хугацааны эцэст банкны хувьцаа эзэмшигч, хөрөнгө оруулагч харилцан тохиролцож энгийн хувьцаанд хөрвөж болох нөхцөлтэй;
 - 2.5.3. Хүү, өгөөж нь өсөн нэмэгдэхгүй (no step-up);
 - 2.5.4. Эргэн төлөлтөд Монгол Улсын Засгийн газар, түүний харьяа яам, агентлаг баталгаа, батлан даалт гаргаагүй;
 - 2.5.5. Банкны хөрөнгө, активыг барьцаалаагүй;
 - 2.5.6. Монголбанкнаас урьдчилэн зөвшөөрөл авсны дараа хугацаанаас нь өмнө төлж болох;
 - 2.5.7. Энэ журмын 2.5.1-2.5.6-д заасан нөхцлийг холбогдох гэрээ, хэлцэлд тусгасан байна.
- 2.6. Банкны өөрийн хөрөнгийн хүрэлцээг тооцоход дараах тохируулгыг хийнэ:
- 2.6.1. Халаасны хувьцааг өөрийн хөрөнгийн харгалзах төрлөөс хасна;
 - 2.6.2. Гүүдвилийг энгийн хувьцаанаас хасна;
 - 2.6.3. Давуу эрхийн хувьцаа энгийн хувьцааны 50 хувиас илүүгүй байна;
 - 2.6.4. Хувьцаанд хөрвөх эх үүсвэр нь энгийн хувьцааны 25 хувиас илүүгүй байна;
 - 2.6.5. Санхүүгийн байгууллагын өөрийн хөрөнгөд шууд болон гуравдагч этгээдээр дамжуулан байршуулсан хөрөнгийг нийт өөрийн хөрөнгийн дүнгээс хасна,
 - 2.6.6. Монгол Улсын Хөгжлийн банкны тухай хуулийн 28 дугаар зүйлээр тогтоогдсон хязгаарлалтыг давсан хэсгийг нийт өөрийн хөрөнгийн дүнгээс хасна.
- 2.7. Монголбанк, эрх бүхий байгууллагын шаардлага, хяналт шалгалтаар илэрсэн зөрчил, дутагдалтай холбоотой залруулгын гүйлгээг зохих дансанд хийж өөрийн хөрөнгийн бодит дүнг гаргана.
- 2.8. Банкны эрсдэлээр жигнэсэн актив дараах бүрэлдэхүүнтэй байна
- 2.8.1. Зээлийн эрсдэлээр жигнэсэн актив;
 - 2.8.2. Гадаад валютын ханшийн эрсдэлээр жигнэсэн актив;
 - 2.8.3. Үйл ажиллагааны эрсдэлээр жигнэсэн актив.
- 2.9. Зээлийн эрсдэлээр жигнэсэн активын дүнг тооцохдоо тэнцлийн актив, тэнцлийн гадуурх хүлээж болзошгүй үүргүүдийн харгалзах эрсдэлийн сангаар цэвэршүүлсэн дүнг энэ журмын 1 дүгээр хавсралтад тусгасан эрсдэлийн хувиар үржүүлж гаргах бөгөөд дараах зарчмыг баримтална.
- 2.9.1. Зээлийн эрсдэлээр жигнэсэн активын дүнг тооцохдоо тэнцлийн актив, тэнцлийн гадуурх хүлээж болзошгүй үүргийн дүнг энэ журмын 1 дүгээр хавсралтад тусгасан эрсдэлийн хувиар үржүүлж гаргах бөгөөд дараах зарчмыг баримтална. Үүнд:

2.9.1.1. Актив нь энэ журмын 1 дүгээр хавсралтад тусгасан нэгээс олон ангилалд хамаарч байгаа бол хамгийн өндөр эрсдэлийн жинтэй ангилалд хамааруулна;

2.9.1.2. Стандарт энд Пурс (Standard & Poors), Муудиз (Moody's), Фич (Fitch) байгууллагаас тогтоосон зээлжих суурь (*baseline*)¹ зэрэглэлийг ашиглан гадаадын санхүүгийн байгууллагаас авах авлагын эрсдэлийн хувь хэмжээг дараах хүснэгтийг үндэслэн тогтооно.

Стандарт энд Пурс	AAA / AA-	A+ / A-	BBB+ / BBB-	BB+ / B-	B- бага	Рейтингүй банк
Фич						
Мууди	Aaa/Aa3	A1/A3	Baa1/Baa3	Ba1/B3	B- бага	
3 сараас дээш хугацаатай авлага	20%	50%	50%	100%	150%	100%
3 сар хүртэл хугацаатай авлага	20%	20%	20%	50%	150%	100%

2.9.2. Энэ журмын 2.9.1.2-т заасан 2 болон түүнээс дээш зэрэглэл тогтоох байгууллагаас зээлжих зэрэглэл тогтоолгосон гадаадын банкнаас авах авлага болон түүний батлан даалтаар баталгаажсан зээлийн эрсдэлийн хувь хэмжээг тооцохдоо хамгийн доод зэрэглэлийг ашиглана;

2.10. Эрсдэлээр жигнэх тэнцлийн болон тэнцлийн гадуурх активын үлдэгдэлд дараах тохируулгыг хийнэ:

2.10.1. Актив нь Олон улсын зээлжих зэрэглэлийг тогтоогч байгууллагын “А”-аас доошгүй үнэлгээ бүхий санхүүгийн байгууллагаас гаргасан баталгаа, батлан даалт, тэдгээртэй эрсдэл хуваах хэлцлээр баталгаажсан бол холбогдох дүнгийн 80 хувиар цэвэршүүлнэ;

2.10.2. Актив нь Монгол Улсын Засгийн газрын баталгаатай, Монгол Улсын төсвөөс эргэн төлөгдөх нөхцөлтэй бол холбогдох дүнгээр цэвэршүүлнэ;

2.10.3. Актив нь Дэлхийн банк, Олон улсын санхүүгийн корпораци, Европын сэргээн босголт, хөгжлийн банк, Азийн хөгжлийн банкнаас гаргасан баталгаа, батлан даалт, тэдгээртэй эрсдэл хуваах хэлцлээр баталгаажсан бол холбогдох дүнгээр цэвэршүүлнэ;

2.10.4. Актив нь дотоодын банкны баталгаа, батлан даалт, векселээр баталгаажсан бол холбогдох дүнгийн 50 хувиар цэвэршүүлнэ;

2.10.5. Тухайн активд зориулж тусгайлан байгуулсан сангаар цэвэршүүлнэ;

2.10.6. Актив нь үл маргах журмаар цэвэршүүлэх нөхцөлтэй тухайн банкинд байршуулсан санхүүгийн эх үүсвэр болон сорьцоор баталгаажсан алт, мөнгөн гулдмайгаар баталгаажсан бол харгалзах (spot) дүнгээр цэвэршүүлнэ.

2.11. Зээлийн эрсдэлээр жигнэсэн активын нийлбэрээс зээлийн эрсдэлтэй холбоотой бусад эрсдэлийн сангийн нийлбэрийг хасна.

2.12. Гадаад валютын ханшийн эрсдэлээр жигнэсэн активыг энэ журмын 4.2-т тусгасан нийт нээлттэй позицитай дүнгээр тодорхойлно.

¹ Baseline үнэлгээгүй тохиолдолд хамгийн Long term үнэлгээг авна.

- 2.13. Үйл ажиллагааны эрсдэлээр жигнэсэн актив нь сүүлийн гурван жилийн татварын өмнөх эерэг ашгийн дунджийн 15 хувийг тус банкны мөрдөж байгаа өөрийн хөрөнгийн шаардлагын урвуугаар үржүүлэн тогтооно.
- 2.14. Банкны өөрийн хөрөнгийн хүрэлцээ, эрсдэл даах чадварыг үнэлэхэд шаардлагатай мэдээллийг тухай бүр Монголбанкинд хүргүүлнэ.

ГУРАВ. ТӨЛБӨР ТҮРГЭН ГҮЙЦЭТГЭХ ЧАДВАРЫН ЗОХИСТОЙ ХАРЬЦАА

- 3.1. Банк актив, пассивын эргэн төлөгдөх хугацаа, бүтцийг тэнцвэртэй байлгах зорилгоор тогтвортой санхүүжилтийн харьцааг мөрдөнө.
- 3.2. Тогтвортой санхүүжилтийн харьцааг энэ журмын 3.4-өөр тодорхойлсон тогтвортой эх үүсвэрийг энэ журмын 3.5 үүсвэрийг урт хугацаат хөрөнгө оруулалтад харьцуулан 3 дугаар хавсралтын дагуу тооцно.
- 3.3. Банкны тогтвортой санхүүжилтийн харьцаа 100 хувиас багагүй байна.
- 3.4. Банкны тогтвортой эх үүсвэр дараах бүрэлдэхүүнтэй байна.
- 3.4.1. Банкны өөрийн хөрөнгө;
 - 3.4.2. Энэ журмын 2.5-д тусгасан шаардлагыг хангасан эх үүсвэрийн үлдэгдэл;
 - 3.4.3. Харилцах, хадгаламжийн үлдэгдэл;
 - 3.4.4. Нэгээс дээш жилийн хугацаанд (*remaining maturity*) эргэн төлөгдөх банк, санхүүгийн байгууллагаас татсан эх үүсвэрийн үлдэгдэл;
 - 3.4.5. Нэгээс дээш жилийн хугацаанд (*remaining maturity*) эргэн төлөгдөх бусад эх үүсвэрийн үлдэгдэл.
- 3.5. Банкны урт хугацаат хөрөнгө дараах бүрэлдэхүүнтэй байна.
- 3.5.1. Нэгээс дээш жилийн хугацаанд эргэн төлөгдөх хэвийн болон анхаарал хандуулах зээлийн үлдэгдэл (*эрсдэлийн сангаар цэвэршүүлсэн*);
 - 3.5.2. Нэгээс доош жилийн хугацаанд эргэн төлөгдөх хэвийн болон анхаарал хандуулах зээлийн үлдэгдлийн 85 хувь (*эрсдэлийн сангаар цэвэршүүлсэн*);
 - 3.5.3. Хувьцаа, хөрөнгөөр баталгаажсан үнэт цаас, фексель, өрийн бичгийн үлдэгдэл;
 - 3.5.4. Хараат болон охин компанид оруулсан хөрөнгө оруулалтын үлдэгдэл;
 - 3.5.5. Өмчлөх бусад хөрөнгийн үлдэгдэл;
 - 3.5.6. Үндсэн хөрөнгө;
 - 3.5.7. Цэвэр хүлээж болох үүргийн 50 хувь.
- 3.6. Банкны өөрийн төлбөрийн чадварыг үнэлэхэд шаардлагатай мэдээллийг тухай бүр Монголбанкинд хүргүүлнэ.

ДӨРӨВ. ГАДААД ВАЛЮТЫН НЭЭЛТТЭЙ ПОЗИЦ

- 4.1. Гадаад валютын ханшийн хэлбэлзлээс үүсч болзошгүй алдагдлыг банкны эрсдэл даах чадвартай уялдуулах зорилгоор гадаад валютын нийт нээлттэй позицид хязгаарлалт тогтооно.
- 4.2. Нийт нээлттэй позицийг гадаад валют тус бүрт тооцсон урт позицуудын нийлбэр болон богино позицуудын абсолют нийлбэрийн аль их дүн дээр цэвэршүүлсэн алт, мөнгөний нээлттэй позицийн абсолют дүнг нэмж тодорхойлох бөгөөд банкны энэ журмын 2.6-ын дагуу тохируулсан 2.3-т тусгасан өөрийн хөрөнгийн 30 хувиас хэтрэхгүй.
- 4.3. Нэг гадаад валютын нээлттэй позицийг дараах үзүүлэлтүүдийн нийлбэрээр тооцож биелэлтийг энэ журмын 3 дугаар хавсралтын дагуу сар бүр ирүүлнэ:
- 4.3.1. Цэвэр спот позиц буюу тэнцлийн гадаад валютын актив, пассив, эх үүсвэрийн зөрүү (үүнд хуримтлуулж тооцсон хүүг оруулан, цэвэршүүлсэн алт, мөнгөн гулдмайны үнэлгээг гаргахдаа тухайн үеийн спот ханшийг ашиглана, активын дүнгээс өөр валютаар сан байгуулсан валютын чанаргүй активыг хасна);
- 4.3.2. Тайлант үеэс хойш 12 сарын дотор хэрэгжих Монголбанктай хийснээс бусад гадаад валютын форвард, фьючерс болон свопын арилжаатай холбоотой авлага, өглөгийн зөрүү (үүнд свопын хувьд спот арилжаатай холбоотой хэсгийг нь хасч тооцох бөгөөд ирээдүйд орох, гарах мөнгөн урсгалыг спот ханшаар нь үнэлнэ);
- 4.3.3. Тайлант үеэс хойш 6 сарын дотор хэрэгжих гадаад валютын баталгаа, батлан даалт, аккредитивын үүргийн сөрөг дүн. Ингэхдээ дараах тохируулгыг хийнэ.
- 4.3.3.1. Тооцоонд орсон баталгаа, батлан даалт, аккредитивын үүргийн ижил валютаарх эх үүсвэр нь тухай банкинд байршсан бол тэдгээрийг хасна;
- 4.3.3.2. Тооцоонд орсон баталгаа, батлан даалт, аккредитивын үүрэг нь тухайн банкинд ижил валютаар зээлийн шугамтай бол тэдгээрийг хасна;
- 4.3.4. Гадаад валютаар гаргасан бусад үүргийн сөрөг дүн;
- 4.3.5. Бусад үүрэг, гэрээ, хэлцлээр баталгаажсан гадаад валютын орлого, зарлагын зөрүү.
- 4.4. Монголбанктай хийсэн гадаад валютын деривативын орлого, зарлагын дүнг хугацаанаас үл хамааран нээлттэй позицийн тооцоонд тусгаж болно.
- 4.5. Монголбанк биелэгдэх боломжгүй гэж үзсэн гадаад валютын ирээдүйн өглөг, авлагыг нээлттэй позицийн тооцоонд оруулахгүй байж болно.
- 4.6. Банкны ханшийн эрсдэлээс үүсэх алдагдлыг үнэлэхэд шаардлагатай бусад мэдээллийг тухай бүр Монголбанкинд хүргүүлнэ.

ТАВ. БУСАД ЗОХИСТОЙ ХАРЬЦАА

- 5.1. Банк эрсдэлийг удирдах зорилгоор дараах зохистой харьцааг дотооддоо тогтоон мөрдүүлнэ:
- 5.1.1. Нэг эдийн засгийн салбарт олгох зээл, зээлтэй адилтган тооцох активын нийлбэр, нийт зээл, зээлтэй адилтган тооцох активын харьцаа.

- 5.2. Энэхүү журмын 5.1-д заасан зохистой харьцааг тооцох аргачлал, мөрдөн ажиллах зохицуулалт нь олон улсын туршлагад нийцтэй байна. Зохистой харьцааны шалгуур үзүүлэлтийг банк өөрийн үйл ажиллагааны цар хүрээ, онцлогт тулгуурлан тогтооно.
- 5.3. Энэхүү журмын 5.1-д заасан зохистой харьцааны шалгуур үзүүлэлт болон тооцох аргачлалд өөрчлөлт оруулах тухай бүр Монголбанкинд мэдэгдэнэ.
- 5.4. Банк дотооддоо мөрдүүлэх үйл ажиллагааны зохистой харьцааны үзүүлэлтүүд нь энэ журмын 5.1-ээр хязгаарлагдахгүй.

ЗУРГАА. ҮЙЛ АЖИЛЛАГААНЫ ХЯЗГААРЛАЛТ

- 6.1 Банк нь нэг зээлдэгч, түүнд холбогдох этгээдэд олгосон зээл, зээлтэй адилтган тооцох активын нийлбэр нь Банкны өөрийн хөрөнгийн 5 хувиас хэтэрсэн бол түүнийг том зээлдэгч гэж үзнэ.
- 6.2 Нийт том зээлдэгч, тэдгээрт холбогдогч этгээдүүдэд олгосон зээл, зээлтэй адилтгах хөрөнгийн дүн нь Хөгжлийн банкны нийт зээл, зээлтэй адилтгах активын нийлбэр дүнгийн 80 хувиас хэтрэхгүй байна.
- 6.3 Банкны 40 том зээлдэгч, тэдгээрт холбогдогч этгээдүүдэд олгосон зээл, зээлтэй адилтгах активын тайланг дөрөвдүгээр хавсралтын дагуу сар бүр хүргүүлнэ.

ДОЛОО. БУСАД

- 7.1. Банк энэ журамд тусгасан зохистой харьцааг өдөр бүр хангаж ажиллана. Энэ журамд тусгасан зохистой харьцааг алдагдсан тохиолдолд Монголбанкинд бичгээр, банк хариуцсан хянан шалгагчид (багийн ахлагчид) цахим шудангаар тухай бүр мэдэгдэнэ.
- 7.2. Банк зохистой харьцааны биелэлтийн болон Монголбанкнаас шаардлагатай гэж үзсэн бусад тайланг дараа сарын 5-ны өдрийн дотор Монголбанкинд бичгээр болон цахим системээр ирүүлнэ.
- 7.3. Энэ журмын хэрэгжилтэд Монголбанк хяналт тавьж, хууль тогтоомжид заасан хяналт шалгалт, албадлагын арга хэмжээ авна.

----- ооОоо -----

Монгол Улсын Хөгжлийн Банкны үйл ажиллагааны
зохистой харьцааны шалгуур үзүүлэлт тогтоох,
түүнд хяналт тавих журмын 1 дүгээр хавсралт

ӨӨРИЙН ХӨРӨНГИЙН ХҮРЭЛЦЭЭНИЙ ҮЗҮҮЛЭЛТ

Огноо		Сая төгрөгөөр
№	ҮЗҮҮЛЭЛТ	Дүн
A	ӨӨРИЙН ХӨРӨНГӨ	
1	Энгийн хувьцаа	
2	Нэмж төлөгдсөн капитал (энгийн хувьцаа)	
3	Давуу эрхийн хувьцаа	
4	Нэмж төлөгдсөн капитал (давуу эрхийн)	
6	Хуримтлагдсан ашиг, алдагдал	
5	Нөөц сан	
6	Хувьцаанд хөрвөх эх үүсвэр	
7	Тохируулга	
B	ЭРСДЭЛЭЭР ЖИГНЭСЭН АКТИВЫН ДҮН	Эрсдэлийн жин (%)
I	Тэнцлийн дүн	
1	Бэлэн мөнгө	0%
2	Замд яваа мөнгө	20%
3	Монгол Улсын Төвбанкнаас авах авлага, түүнд хуримтлуулсан хүү	0%
4	Дотоодын банкнаас авах авлага /3 сараас доош хугацаатай, төгрөг/	20%
5	Дотоодын банкнаас авах бусад авлага	100%
6	Дотоодын банк санхүүгийн байгууллагуудаас авах авлага	100%
7	Гадаадын банк, санхүүгийн байгууллагуудаас авах авлага	×××××
7.1	3 сараас дээш хугацаатай	×××××
7.1.1	AA- дээш үнэлгээтэй гадаадын санхүүгийн байгууллага	20%
7.1.2	BBB-; A+ үнэлгээтэй гадаадын санхүүгийн байгууллага	50%
7.1.3	B-; BB+ үнэлгээтэй гадаадын санхүүгийн байгууллага	100%
7.1.4	B- бага үнэлгээтэй гадаадын санхүүгийн байгууллага	150%
7.2	3 сараас доош хугацаатай	×××××
7.2.1	BBB- дээш үнэлгээтэй гадаадын санхүүгийн байгууллага	20%
7.2.2	B-; BB+ үнэлгээтэй гадаадын санхүүгийн байгууллага	50%
7.2.3	B- бага үнэлгээтэй гадаадын санхүүгийн байгууллага	150%
7.4	Үнэлгээгүй гадаадын санхүүгийн байгууллага	100%
8	Монгол Улсын Төвбанкны үнэт цаас, хуримтлуулж тооцсон хүү	0%
9	Монгол Улсын Засгийн газрын үнэт цаас, хуримтлуулж тооцсон хүү	0%
10	Дотоодын үнэт цаас, хуримтлуулж тооцсон хүү	100%
11	Гадаадын үнэт цаас, хуримтлуулж тооцсон хүү	100%
12	Хараат болон охин компанид оруулсан хөрөнгө оруулалт	100%
13	Зээл	×××××

13.1	Чанаргүй зээл	150%
13.2	Ханшийн эрсдэлтэй этгээдэд олгосон гадаад валютын зээл*	150%
13.3	Бусад зээл	100%
14	Санхүүгийн хөрөнгө, хуримтлагдсан хүү	100%
15	Санхүүгийн бус хөрөнгө	xxxxxx
15.1	Алт, мөнгөн гулдмай	0%
15.2	Бусад санхүүгийн бус хөрөнгө	100%
16	Үндсэн хөрөнгө, Хөр.Ор.Зор.Үл.Хөд.Хөр, Бор.Зор.хөрөнгө	100%
17	Дериватив санхүүгийн хөрөнгө	100%
II	Тэнцлийн гадуурх дансны дүн	xxxxxx
1	Аккредитив	20%
2	Батлан даалт, баталгаа	100%
3	Тендер болон гүйцэтгэлийн баталгаа, батлан даалт	50%
4	Зээлийн шугам	50%
5	Хамтын санхүүжилттэй зээлийн эрсдэлд харгалзах зээлийн цэвэр үлдэгдэл	100%
6	Бусад хүлээж болох үүрэг	100%
III	Гадаад валютын ханшийн эрсдэлийн үзүүлэлт	
IV	Сүүлийн гурван жилийн эерэг ашгийн дундаж	
Г	ӨӨРИЙН ХӨРӨНГИЙН ХҮРЭЛЦЭЭ (А/Б*100%)	

Энэхүү тайланд активыг хугацаар нь ангилах бол үлдсэн хугацааг нь ашиглана.

“-Зээл, үнэт цаас, эдгээртэй адилтгах санхүүгийн хэрэгсэлд холбогдох гадаад валютаар төлөх нийт төлбөрийн дүн нь сүүлийн 2 жилийн татварын дараах нийт гадаад валютаарх орлогын дунджийн 85 хувиас их этгээдийг ханшийн эрсдэлтэй гэж үзнэ. Уг этгээд нь Монгол Улсад үйл ажиллагаа явуулж буй банктай ханшийн эрсдэлээс хамгаалах санхүүгийн үүсмэл хэрэгслийг зээлийн нийт хугацаанд байгуулсан бол ханшийн эрсдэлгүй гэж тооцно.

Тайланг үнэн зөв гаргасан:

Гүйцэтгэх захирал:

Санхүү, бүртгэлийн газрын захирал

Санхүү, бүртгэлийн газрын ажилтан

/нэр/

/нэр/

/нэр/

Монгол Улсын Хөгжлийн Банкны үйл ажиллагааны
зохистой харьцааны шалгуур үзүүлэлт тогтоох,
түүнд хяналт тавих журмын 2 дугаар хавсралт

ТОГТВОРТОЙ САНХҮҮЖИЛТЫН ХАРЬЦАА

Огноо

Сая төгрөгөөр

№	Үзүүлэлт	Дүн
А	Тогтвортой эх үүсвэр	
1	Банкны өөрийн хөрөнгө;	
2	Энэ журмын 2.5-д тусгасан шаардлагыг хангасан эх үүсвэрийн үлдэгдэл;	
3	Харилцах, хадгаламжийн үлдэгдэл;	
4	Нэгээс дээш жилийн хугацаанд (<i>remaining maturity</i>) эргэн төлөгдөх банк, санхүүгийн байгууллагаас татсан эх үүсвэрийн үлдэгдэл;	
5	Нэгээс дээш жилийн хугацаанд (<i>remaining maturity</i>) эргэн төлөгдөх бусад эх үүсвэрийн үлдэгдэл.	
Б	Урт хугацаат хөрөнгө оруулалт	
1	Нэгээс дээш жилийн хугацаанд эргэн төлөгдөх хэвийн болон анхаарал хандуулах зээлийн үлдэгдэл (<i>эрсдэлийн сангаар цэвэршүүлсэн</i>);	
2	Нэгээс доош жилийн хугацаанд эргэн төлөгдөх хэвийн болон анхаарал хандуулах зээлийн үлдэгдлийн 85 хувь (<i>эрсдэлийн сангаар цэвэршүүлсэн</i>);	
3	Хувьцаа, хөрөнгөөр баталгаажсан үнэт цаас, фексель, өрийн бичгийн үлдэгдэл;	
4	Хараат болон охин компанид оруулсан хөрөнгө оруулалтын үлдэгдэл;	
5	Өмчлөх бусад хөрөнгө;	
6	Үндсэн хөрөнгө;	
7	Цэвэр хүлээж болох үүргийн 50 хувь.	
В	ТӨЛБӨР ТҮРГЭН ГҮЙЦЭТГЭХ ЧАДВАРЫН ХАРЬЦАА А/Б	
Г	БАЙВАЛ ЗОХИХ ХЭМЖЭЭ	100%
Д	НЭМЭЛТ ШААРДЛАГАТАЙ ТҮРГЭН БОРЛОГДОХ АКТИВЫН ХЭМЖЭЭ (Г-В)*Б	

Тайланг үнэн зөв гаргасан:

Гүйцэтгэх захирал:

Санхүү, бүртгэлийн газрын захирал

Санхүү, бүртгэлийн газрын ажилтан

/нэр/

/нэр/

/нэр/

F	ЗОХИСТОЙ ХАРЬЦАА (НЭГЖ ВАЛЮТААР)												
G	УРТ ПОЗИЦ (Тэрбум төгрөгөөр)												
H	БОГИНО ПОЗИЦ (Тэрбум төгрөгөөр)												
I	ЗОХИСТОЙ ХАРЬЦАА (НИЙТ)												
J	ХАМГИЙН ИХ ЭРСДЭЛИЙН ҮЗҮҮЛЭЛТ												
K	ХАМГИЙН ИХ ЭРСДЭЛ БА ӨӨРИЙН ХӨРӨНГИЙН ХАРЬЦАА												
	Ханш												

Тайланг үнэн зөв гаргасан:

Гүйцэтгэх захирал:

/нэр/

Санхүү, бүртгэлийн газрын захирал

/нэр/

Санхүү, бүртгэлийн газрын ажилтан

/нэр/

Монгол Улсын Хөгжлийн Банкны үйл ажиллагааны
 зохистой харьцааны шалгуур үзүүлэлт тогтоох,
 түүнд хяналт тавих журмын 4 дүгээр хавсралт

40 ТОМ ЗЭЭЛДЭГЧИЙН АКТИВЫН ТАЙЛАН

Огноо

Сая төгрөгөөр

Д/д	Зээлдэгчийн мэдээлэл			Активын төрөл	Зориулалт		Хугацаа				Барьцааны			Үлдэгдэл/дүнг (Төгрөгт харгалзах дүн)	Ангилал	Валютын төрөл	ӨХ*** **_д эзлэх хувь	Зээлийн онолын үлдэгдэл
	Нэр	Улсын бүртгэлийн дугаар	Регистрийн дугаар		салбар	дэд салбар	Олго сон огноо	Анхны гэрээнд заасан төлөгдөх огноо	Хугацаа сунгасаны дараах төлөгдөх огноо	Хугацаа сунгасан тоо	Барьцаа хөрөнгийн үнэлгээ	Төрөл	Дэд төрөл					

Тайланг үнэн зөв гаргасан:

Гүйцэтгэх захирал:

Санхүү, бүртгэлийн газрын захирал

Санхүү, бүртгэлийн газрын ажилтан

/нэр/

/нэр/

/нэр/